

Charfreitag, den 21. März 1845.

MISSA SOLENNIS

von

L. van Beethoven.



Kyrie eleison, Christe eleison!

Gloria in excelsis Deo et in terra pax hominibus bonae voluntatis.
Laudamus te, benedicimus te, adoramus te, glorificamus te!

Gratias agimus tibi, propter magnam gloriam tuam, Domine Deus,
rex coelestis, Deus pater omnipotens, Domine fili unigenite, Jesu Christe,
Domine Deus, agnus Dei, filius patris.

Qui tollis peccata mundi, miserere nobis, suscipe deprecationem
nostram; qui sedes ad dexteram patris, miserere nobis.

Quoniam tu solus Dominus, tu solus altissimus, Jesu Christe, cum
Sancto Spiritu in gloria Dei patris, amen.

Credo in unum Deum, patrem omnipotentem, factorem coeli et
terrae, visibilium omnium et invisibilium. Credo in unum dominum,
Jesum Christum, filium Dei unigenitum et ex patre natum ante omnia
saecula, Deum de Deo, lumen de lumine, Deum verum de Deo vero,
genitum non factum, consubstantiale patri, per quem omnia facta
sunt. Qui propter nos homines et propter nostram salutem descendit
de coelis.

Et incarnatus est de spiritu sancto ex Maria virgine et homo
factus est.

Crucifixus etiam pro nobis sub Pontio Pilato, passus et sepultus est.


Et resurrexit tertia die secundum scripturas, et ascendit in
coelum, sedet ad dexteram patris, et iterum venturus est judicare
vivos et mortuos, cuius regni non erit finis.

Credo in Spiritum Sanctum, Dominum vivificantem, qui ex Patre
Filioque procedit, qui locutus est per prophetas. Credo in unam sanctam
catholicam et apostolicam ecclesiam. Confiteor unum baptisma in remis-
sionem peccatorum et exspecto resurrectionem mortuorum et vitam ven-
turi saeculi, amen!

Sanctus Dominus Deus Sabaoth! Pleni sunt coeli et terra gloria
tua. **Osanna in excelsis.**

Benedictus, qui venit in nomine Domini!

Agnus Dei, qui tollis peccata mundi, miserere nobis, dona nobis
pacem!



Ms. II 94a, 10